

# 金粟閨詞



金粟閨詞

武原彭孫適美門著

一洗人間粉黛空  
蛾眉淡掃競言工  
鉛華芳澤都無色  
宋玉陳思兩賦中

針線文書次第收  
夜香煖透合歡裯  
檀郎何事相呼切  
忘却燈前去卸頭

清明寒食踏青游  
生小嬌憐未解愁  
買得揚州花線髻  
時新樣子鬪梳頭

睡眠朝來倦未揚  
傳呼洗面進蘭湯  
瑩瑩清徹仍無垢  
水內新添玉粉香

綺疏花影日高懸  
倦起猶然擁被眠  
怪殺夜來輕薄甚  
春跌寬

國家圖書館, NATIONAL CENTRAL LIBRARY, TAIWAN, R.O.C.



詞一  
詞二  
詞三  
詞四  
詞五  
詞六  
詞七  
詞八  
詞九  
詞十  
詞十一  
詞十二  
詞十三  
詞十四  
詞十五  
詞十六  
詞十七  
詞十八  
詞十九  
詞二十  
詞二十一  
詞二十二  
詞二十三  
詞二十四  
詞二十五  
詞二十六  
詞二十七  
詞二十八  
詞二十九  
詞三十  
詞三十一  
詞三十二  
詞三十三  
詞三十四  
詞三十五  
詞三十六  
詞三十七  
詞三十八  
詞三十九  
詞四十  
詞四十一  
詞四十二  
詞四十三  
詞四十四  
詞四十五  
詞四十六  
詞四十七  
詞四十八  
詞四十九  
詞五十

納涼晚坐小庭隅  
寒玉清冰暑漸蘄  
換得羅衣青翠怕  
色他霧縠見肌膚

翠羽明璫百寶函  
年來魚鑰幾曾探  
欲將浚雅存真色  
不插金簪插玉簪

少年情景費尋思  
容意消魂只此時  
月下定情花下語  
羅衣欲解故矜持

叢桂中秋始作花  
一窻香霧浸冰紗  
不嫌風露中庭冷  
坐向三更看月華

七夕遙開看渡河  
紛紛瓜果襍相和  
并刀剪粉都成字  
闌取誰家筆畫多

如珠秋露下庭柯  
顧兔先生澗灑波  
手劃闌干心自語  
夜深私

國家圖書館 NATIONAL CENTRAL LIBRARY, TAIWAN, R.O.C.



禱向嫦娥

何事男兒少慧根  
閨人偏解事  
空門却將指爪輕輕合  
無價香中禮世尊

琳宮曾許六銖香  
繡得名幡七尺長  
趣取今朝風日好  
上幡歸去踏春陽

梅花不數壽陽嬌  
懶鬪輕紅一任消  
昨夜西風寒起粟  
額粧明日戴新貂

名香炷罷小爐平  
縹帙閒時心自評  
深夜讀書寒未寢  
明朝應試女諸生

娥娥紅粉阿誰家  
插柳歸時日已斜  
雙槳乘風爭欲渡  
船頭齊插碧桃花

西樓九日賞登臨  
斜照西風下遠林  
却訝今年時序晚  
黃花猶自不勝簪

金吾不禁上元游  
火樹星橋入眼稠  
試問輜軒何處去  
望吳門外看燈毬

棟花風過已春殘  
四月清和卽次看  
小院初陳櫻筍會  
內家爭愛越梅酸

女石榴開照眼明  
方中日色上軒楹  
菖蒲一滴沾唇酒  
已覺紅潮隱隱生

戴陽送暖惠風清  
女伴相邀出郭行  
明日粧梳誰更早  
掠成鴉髻待天明

剪刀聲隔小窓紗  
朱火熒熒一點斜  
買到街頭通脫草  
新年佳

備上頭花

早覺微涼下井梧  
浪雲輕月半模糊  
金針綵線頻頻引  
何似素中九曲珠

裊裊風吹翠帶頻  
留仙裙下繡囊新  
囊中別貯玫瑰味  
裙外幽香遠襲人

香肌如雪自無塵  
寶袜深藏一段春  
收束紅羅如禁裏  
人前仍似女兒身

鰲山十座奏清謳  
妙選姪人北曲頭  
二十年來紅粉盡  
觀春酒債最高樓

嬌小盈盈步最工  
行來羅帶颺春風  
滕衣繡作芙蓉瓣  
兩朵蓮花覆玉弓

爐中栢子漾餘烟  
獻罷椒花只待眠  
燈下穿珠安鳳喙  
大年朝去拜新年

天然一色繡羅裳  
姊妹齊肩並蒂芳  
共脫紅鞋更換着  
湘鈎看取是誰長

線結荷花片片分  
玉肩雙扣襯烏雲  
願為衣領承蘭澤  
膏沐餘香仔細聞

形影從來共一身  
怪他相詬太頻頻  
玉容未便施丹的  
今夜羅幃欲避人

春服依然舊內粧  
對襟衫子薄羅裳  
愛他窄袖偏時樣  
趙女何須舞袖長

年年除夕上椒觴  
獸炭圍爐煖畫堂  
將進屠蘇分歲酒  
先雕朱



菓獻姑嫜

紅窻日日喚金衣百轉催人曉夢稀故把銅丸枝上打妬他花裏慣雙飛

海棠經雨一枝鮮薄髻輕籠態逾妍有色無香元自好教人妬處得人憐

名花氣息最清寒馥馥侵人繞画欄香自個儂身上出髻中今日帶珠蘭

海濤八月播狂飈畫艇油車出看時雪柱銀山三十丈臨塘羨殺弄潮兒

紅襟小語畫梁間麗日初生百草薰撲蝶西園花樹下粉痕粘手印螺紋

小庭雨過碧萋萋採擷羣芳各自攜翫草歸來香徑裏裙花深處浣芹泥

慈雲名號暗宣稱阿姊私窺笑不勝莫向幢前頻致禱明年此日是蘭徵

獸鑰時時扁玉闕怪來春思太疎頑蘭橈桂楫紛容與挈伴同遊兩浦山

雅戲花間日幾回辛夷開後牡丹開南朝葉子姑蘇譜各脫金銀賭勝來

粧裹繁華各鬪新垂垂偏髻最宜人花簪不論年時價十粒明珠十萬緡

促坐方當夜未央蘭燈高照九微光賭將骰子玲瓏色擲得梟



時作玉郎作音

夜色淒清入望空  
尋芳踏月小橋東  
天街墜却金釵股  
可惜釵頭

秦珠百琲解頭簪  
茉莉花藏髻子心  
琥珀枕寒侵粉印  
芙蓉帳煖卸香衾

猩血文茵色未磨  
牙牌如玉手摩娑  
不知喜卜因何事  
偏覺今朝色樣多

薛女拈針倚玉鋪  
嬌慵漸欲倩人扶  
生綃何處尋周昉  
寫出閨中倦繡圖

三冬日上簾鉤  
晝漏移時下午籌  
行向碧紗窻下過  
窻中聽得喚梳頭

昨夜羅幃更不眠  
無端懊惱鏡臺前  
禁持小玉緣何事  
值得郎君宛轉憐

染得薰爐百和香  
雙纏一束可憐粧  
吳興綉色如脂白  
新月何須羨杏娘

深閨畫道不宜春  
瘦減腰肢一捻身  
留待佳辰天赦日  
玉環飛燕細評論

美人不在各天涯  
畫閣朱樓謝女家  
笑向卿卿私致語  
紅焦搗得是伊花

春朝乍起合歡床  
朱鳥窻前竟曉粧  
誰把小名偷喚取  
不將青眼覩檀郎

午窻眠醒鬢雲斜  
活水徐烹金縷芽  
蟹眼松風聲欲盡  
綠瓷杯



裏鬪新茶

月波初上曲欄頭促坐春宵送酒籌記得桂堂東畔事蠟燈影裏見藏鈎

輕陰欲上綺欄遲早起猶然倦不支清盥未施粧未整下階獨立灌花時

搖落名花祇自看春陰晚晚若為歡斜陽獨倚蕭蕭竹轉覺佳人翠袖寒

九月清霜欲授衣北風江外雁初飛花箋細疊相思字寄語蕭郎及早歸

曲廊盡日掩雙闌小婦鳴機不肯閑看弄玉梭當戶織天孫何意謫人間

冰花六出合樓臺猶見同雲黯未開此日閨中多勝事陶家風味謝家才

十三嬌女好風神慙慙時時作劇新細搵堦前金鳳草鮮紅染出玉鱗鱗

何來庭館遍芳馨不見爐烟裊裊青薇露一匙清似水宮香細煮小銀瓶

伏枕經春病不支藥爐丹竈鎮相隨玄霜玉杵無人管青鳥花間好護持

雨過疎簾草色微游絲細細罨晴暉朱欄倚遍渾無事閒把心經教雪衣

乍起還眠小簟中懨懨不損玉肌豐朝來只覺吞酸喜空剪玄



都五色蔥

宣和蕩麝墨痕香  
洪度新箋錦水涼  
素手輕拈湘玉管  
臨窗搦得十三行

李因妙筆絕無塵  
鴛水吳娘亦入神  
閨閣只今多粉本  
內家不學管夫人

十斛溫泉洗凝脂  
雙鬟小婢護門時  
懷中空有黃金餅  
玉體何由得暫窺

新結閨中姊妹行  
金環寶飾各相將  
春晴更約重相見  
練行菴中拜十王

移燈初卸藕絲裳  
重換綰鉤趣上床  
好把秦篝收拾起  
水沉不抵睡鞋香

桂棟蘭楣玳瑁梁  
雙雙花底宿鴛鴦  
自矜夫婿風流甚  
頻注嬌波溜粉郎

博山初盡迭迷香  
一點銀荷四炷光  
鳳髻卸除蟬鬢急  
夜來別作帳中粧

潘岳秋來鬢欲凋  
蕩游彷彿廣陵橋  
梅花一奏淒涼調  
腸斷誰家紫玉簫

東君有意作佳辰  
細蕊繁枝二月春  
最喜花朝天氣好  
少微旂下酌花神

作音佐

麝匣犀鈿次第施  
小樓纔啓繡奩時  
遠山已是青於黛  
不待張郎更畫眉

漢苑春風畫不成  
欲將妙筆倩仇英  
誰知百幅鴛溪絹  
刻骨銷



魂無限情

桃葉桃花各自鮮  
胡天胡帝有餘妍  
小姑換寶香輿內  
阿母添粧繡閣前

女郎十五妙彈詞  
近覺琵琶未入時  
絃索一聲良夜靜  
行雲猶自為人遲

風流婉約本傾城  
却為情多大瘦生  
羅袖分明檀點在  
向人猶道不關情

長日無人靜不譁  
深深院落是兜家  
麝煤小炷添金帛  
蠅拂紅絃戲雪獨

玉骨猶然因鬱蒸  
小紅喚處巧相應  
坐深楚竹清涼簟  
銷夏先敲玉井冰

玉女投壺注矢平  
齊姬六箸巧相爭  
壁臺何必耽詩句  
佻達風流別樣情

洗手羹湯自作餐  
鹽梅芍藥一般般  
鹽當無處難為悅  
梅若多時易得酸

得度元都女子徵  
道名授記好相稱  
桃花百斛如珠米  
金粟山中供聖僧

蕭郎底事惱人頻  
清淚瑩素頰  
巾萬轉千迴全不語  
前身莫是息夫人

組繡還須出後宮  
人間羅綺早成叢  
新來服飾多妖麗  
八尺襖褙萬子紅

無風亦自覺芬芳  
非霧非烟費寸量  
却憶蓮經名義好  
鼻端聞



得女人香

儂家咫尺伯牙臺雲水新翻雅操來玉軫金徽爭拂拭一時先  
學泣顏回

今歲花如去歲穠粉香脂艷好姿容不知何事牽人意只覺春  
衫領扣鬆

風流何處不相宜却羨雙雙坐隱時玉井金屏都看過木蘭花  
下試滇碁

小出風前碧纒鞋姍姍微步下芳階人來花下驚相避不覺迴  
身墜鳳釵

素袂颺颺態不勝摩雲碍日勢峻嶒纖腰漸覺慵難舉恹上浮  
圖最上層

裁得輕綃恰稱身薰風吹過曲池濱齊紈小扇明如玉上有陳  
王賦裏人

薄寒初薦錦鞦韆朔氣空中通坐隅不惜裏蹄金一餅鴛鴦湖  
畔鑄張鑪



